

«15» 03 2019թ.
N 17-26

«6» Ճարտք 2019թ.
N 145-26

ՀԱՄԱՏԵՂ ՀՐԱՄԱՆ

Կառավարական քաղաքային և միջքաղաքային հեռախոսակապի ծառայություններ մատուցելու մասին

ՀՀ ազգային անվտանգության ծառայության տնօրենը և ՀՀ պետական եկամուտների կոմիտեի նախագահը, ի կատարումն ՀՀ Կառավարության 2011թ. սեպտեմբերի 22-ի N1500-ՆԳ որոշման, ղեկավարվելով «Ազգային անվտանգության մարմինների մասին» ՀՀ օրենքի 26-րդ հոդվածով և ՀՀ Կառավարության 2018թ. հունիսի 15-ի «Բյուջեների կատարման» կարգի 38-րդ կետի պահանջներով՝ ՀՀ պետական եկամուտների կոմիտեին կառավարական քաղաքային և միջքաղաքային հեռախոսակապով ապահովելու և սպասարկելու նպատակով՝

ՀՐԱՄԱՅՈՒՄ ԵՆՔ

1. ՀՀ ազգային անվտանգության ծառայությունը ՀՀ պետական եկամուտների կոմիտեին մատուցում է կառավարական քաղաքային և միջքաղաքային հեռախոսակապի ծառայություններ (այսուհետ՝ «Ծառայություններ»), իսկ ՀՀ պետական եկամուտների կոմիտեն վճարում է այդ Ծառայությունների դիմաց՝ սույն համատեղ հրամանով սահմանված կարգով:
2. Սույն համատեղ հրամանով նախատեսված պահանջները տարածվում են կողմերի միջև 2019թ. հունվարի 01-ից ծագած հարաբերությունների նկատմամբ:

3. ՀՀ ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅՈՒՆԸ ԱՊԱՀՈՎՈՒՄ Է.

- 1) Ծառայությունների որակյալ, անխափան մատուցումը և սույն համատեղ հրամանով նախատեսված պարտավորությունների կատարումը,
- 2) Կապի միջոցների անխափան աշխատանքը և վնասվածքների ժամանակին վերացումը,
- 3) ՀՀ պետական եկամուտների կոմիտեում տեղադրված կապի միջոցների և բաժանորդային գծի անվտանգությունն ապահովող հատուկ միջոցառումներ՝ գաղտնի տեղեկատվության արտահոսքը կանխելու նպատակով,
- 4) Կառավարական կապի միջոցների տեղադրումը, վերատեղադրումը և ծառայությունների մատուցումն ու դրանց հետ կապված աշխատանքների կատարումը՝ ՀՀ պետական եկամուտների կոմիտեի կողմից վճարման պարտավորության մասին գրավոր հայտ ներկայացնելուց հետո,
- 5) Կառավարական քաղաքային և միջքաղաքային հեռախոսակապի անջատումը, եթե ՀՀ պետական եկամուտների կոմիտեն չի կատարում Ծառայությունների դիմաց ամենամսյա բաժանորդային վճարումը՝ ըստ սույն համատեղ հրամանի 4-րդ կետի 4) և 5) ենթակետերի:


4. ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵՆ ԱՊԱՀՈՎՈՒՄ Է.

- 1) ՀՀ ազգային անվտանգության ծառայության կապի հանգույցից մինչև իր աշխատասենյակները առանձին մալուխային գծի շարքից դուրս գալու դեպքում վերանորոգման աշխատանքների ծախսերը՝ ըստ կառավարական կապի միջոցների շահագործման հատուկ պահանջների,
- 2) Կառավարական կապի միջոցների շահագործման հատուկ պահանջների կատարումը և այն աշխատասենյակների պահպանումը, որտեղ տեղադրված են այդ միջոցները,
- 3) Իր մոտ տեղադրված կապի միջոցների պահպանումը,
- 4) Ծառայության դիմաց բաժանորդային նախորդ ամսվա վարձի վճարումը՝ ոչ ուշ, քան մինչև ընթացիկ ամսվա 10-ը՝ համաձայն ՀՀ Կառավարության 22.09.2011թ. N1500-ՆԳ որոշման: Վճարումները կատարվում են ՀՀ դրամով:

№	ՏԵՂԱԴԴԻՄԱՆ ՎԱՅԻՐԸ	Կառ.միջքաղ. կապ	Կառ.քաղ. կապ	Լրացուցիչ կառ. քաղ. կապ	Ազդանշանային հարմարանք	Ընդամենը
1.	ՀՀ պետական եկամուտների կոմիտեի նախագահի աշխատասենյակ	1 x 500 000	1 x 225 000			725 000
2.	ՀՀ պետական եկամուտների կոմիտեի նախագահի ընդունարան			1 x 112 500	10 000	122 500
3.	կապի անվտանգությունն ապահովող հատուկ ծառայություններ	1 x 100 000				100 000
4.	Ընդամենը տարեկան վարձը՝					947 500
Ինը հարյուր քառասուկոթ հազար հինգ հարյուր դրամ						

- 5) Բաժանորդային վճարումների փոխանցումը ՀՀ ազգային անվտանգության ծառայության հաշվարկային հաշվին՝ ոչ ուշ, քան եռամսյակը մեկ,
 - 6) Իր մոտ տեղադրված հատուկ կապի միջոցների վերադարձը ՀՀ ազգային անվտանգության ծառայությանը՝ տեխնիկապես սարքին վիճակում՝ Ծառայության մատուցումների վերջնական դադարեցումից անմիջապես հետո,
 - 7) ՀՀ ազգային անվտանգության ծառայությանը պատկանող կապի միջոցների արժեքի փոխհատուցումը՝ ըստ կազմված համապատասխան ակտի, եթե դրանք կորստի են մատնվել իր մեղքով:
5. Ուժը կորցրած համարել ՀՀ ազգային անվտանգության ծառայության և ՀՀ պետական եկամուտների կոմիտեի 28.06.2016թ. N26-Ա և 23.05.2016թ. N58-Ա համատեղ հրամանը:

ՀՀ ազգային անվտանգության ծառայության տնօրեն



Ա. Վանեցյան

ք. Երևան, Նալբանդյան 104
 ՀՀ Ֆին. նախ. գործառնական վարչության
 համայնքների և պետական հիմնարկների
 բյուջեների հաշվառման բաժին
 հ/հ 900018301011
 հվհհ 01507079



ՀՀ պետական եկամուտների կոմիտեի նախագահ



Դ. Անանյան

ք. Երևան, Մ. Խորենացու 3, 7
 ՀՀ Ֆին. նախ. գործառնական վարչության
 համայնքների և պետական հիմնարկների բյուջեների
 հաշվառման բաժին
 հ/հ 900014054013
 հվհհ 02647057



Տեղեկատվական անվտանգության և կառավարական կապի գլխավոր վարչություն _____ հեռախոս՝ 1-99

